

書

紡授堂集卷之六

詩部七言律

閩曾異撰弗人著

庚辰元日次陳昌箕韻

年年老至漸如登取醉安能酒似澆
帝闕遠心隨日去北堂嚴氣共霜凝
勲名敢說逢場戲行徑聊同苦行僧
未省長纓堪請否中原群盜久憑陵

次其二韻

家在泉州又福州半生落拓守林丘
寸心可易逢人

說倦翻還須選樹投未分此身終畎畝且將雙鬢付
車舟開年却被兒童笑仗劍瞠然學遠游

江北道中

渡江纔信客身勞驢背書生亦佩刀惡水能加茗椀
澁薄醪不稱酒帘高髀消厚襯羊皮袴骨瘦肥添木
絮袍浮海一桴吾見慣黃河濁浪未須號

齊魯道中

書生馬上望榆枌過沛風高起大雲轂擊却思游學
子鷄鳴還笑脫田文平原十日青徐接泰嶽中天齊
魯分闕里去人今不遠絃歌可似昔時聞

其二

大風刮地動哀歌鶉結流亡滿目多經世我思今管
呂讀書人負古丘軻英雄莫有田間起將相無如草
盜何見說 宮中方好少老生試轉魯陽戈

其三

煙臺烽熄尚殘紅胡馬曾過四野空目遠樹如浮水

上塵來人似出泥中車書敢說非全盛
朽袖誰能念大東前席不知君問否
洛陽年少已成翁

旅次題壁

逆旅蕭條醉馬周豈云賣賦帝京游
少年天子方嘗膽獻策書生已白頭
病尚有身留累華窮原無領待封侯
燒燈起舞鷄鳴未豺虎縱橫念王憂

過景州董子故宅感懷

馮首今朝入帝鄉居民指點漢儒莊
感時不敢言災異救世還須雜霸王
一代下帷攻帖括千年無策繼賢良
傷懷縱有天人對又恐公孫佐武皇

長安述懷次陳昌箕韻

縱橫天下孔方兄太息長安公與卿
小草肯忘當世志午鷄聊補失晨聲
登壇誰不唾下將厝火人能笑賈生
見說金甌容易卜沙堤新築幾時行

公車放歸

宮鶯聲暖待雙楫倦客思如閉
繭蠶萬里閩南之極

北重來五十又加三一時富貴非吾事終老林丘却
未耳漫道憂天關易叩都門誰不諱深談

其二

儉索黃金用未殘黑貂無恙出長安敢云世路知音
少是我文章應制難丞相不追亡將去昌黎錯拜孟
郊寒蕭條夢卜何年事又把前谿一釣竿

其三

征鞭能媚柳枝柔感遇何須動客愁勝此呼盧聊注
瓦別頻忘屨等虛舟生平懷抱從頭錯五十文章一
半售慢道世間無隻眼暗中未悔夜光投

其四

次廣陵鄭超宗題壁韻

逐電輕蹄遇垤躡黃金臺墮草如煙文章塗抹倡優
面巾幘消磨少壯年彈鵲不須隋氏寶獲禽難執嬖
奚鞭何時學得風鳶戲故紙糊來易上天

其五

次卽墨吳友題壁韻

謾言錯過 帝城春尚有煙花媚遠人何苦漢庭六

太息已其陋巷一貧身敗軍誰許能談劍棄婦方思
學采蘋可是濟川舟楫具文章問世未知津

其六

慢將老至歎迤邐五十無聞亦茫然肘後不須六國
印杖頭未欠百文錢却因願大難成佛肯舐丹餘已
上天歸去且需千日酒纔醒又整北來鞭

其七

浪說中原寇漸收九邊烽火幾時休爲官豈遂饑寒
免觀世難將草莽憂三北齊囚須霸掩一經滂母必
忠酬蹉跎又是他年事秃筆花殘未忍投

其八

賣貂買鶴索無錢載過楊州亦半仙急就詩成聊恃
陋倦游馬去懶爭先却非從此忘三立似肯逢人讓
一鞭見說前途多暴客綠林莫有識齊賢

山東道中書事

野曠無青但起塵空原時有孑遺民人當見骨猶剜

肉樹僅留皮亦裸身餓眼乾啼難出涕菜容水腫不
成顰求言 詔下勤憂旱民隱何曾達 紫宸

山東道中喜雨時旱二年矣庚辰三月望日

少許霖甘旱兩年未能破塊月仍圓鶴因久曠忘鳴
埜犬怪非常共吠天無草可沾枯後澤棄家誰顧雨
餘田縣胥已坐逋亡屋俟有人歸索稅錢

次宣州梅朗三來韻答之

四海交多老漸刪意中有友獨相關江東君耻雄西
楚土壤吾其讓泰山身世糊睛推磨犢行藏躡尾閉
籠鵬梅生三十今餘幾莫爲窮愁髡也斑

渡江望金山

中流望眼不堪舒近眺橫江感有餘隻臂劈開天地
氣一拳撐住帝王居車書卜世同南北物力傷時憶
古初慢道千年興廢事目前處處易愁予

重過潘宗玉謁昭度師墓雨中夜集懷新堂卽

席感賦兼留別宗玉兄弟

新抄堂二集
滿目悲歡心事違華堂簫鼓雨霏霏貧身到處仍磨
鏡馬策今宵又叩扉蛻去神龍留子在老來文虎已
毛稀十年知己慚師友怪得將歸未忍歸

謁潘昭度師墓卽席再別宗王

勤 王人去幾時歸翁仲夕陽山四圍燕子不須辭
故壘名家猶是舊烏衣驪歌燭裡聲難聽馬臥櫪中
汗未晞合便有離生便歿相看相慰淚還揮

林用始以諸生會試樞部曾子壯其游也爲詩

送之

防胡難恃古長城推轂軍門事屢更鄉里偶行新選
舉 祖宗原重兩科名一時投筆多儒將滿世彈冠
剩老生君去燕然留片石半邊待我再題銘

同門友楊君席公車罷歸客歿武林詩以慰之
不敢如昔人之招魂也哀哉

也知身世等輕塵那得交情不認真萬里日邊方謁
帝百年地下失歸人六橋三竺去來路白傳蘇公前

後身當爾原爲湖上王半生越客寄南閩

下第歸抄香椒湧二公過客樓讀予近詩

莫怪泥中臥未升本無鱗甲可飛騰詩多哭世於時

背儉省干人得僕憎體骨豈應思入仕顛毛只合削

爲僧百年已半居難卜爲問文殊借一燈

庚辰北歸客武林五日病起

初一日有人先餉角黍

連年五日在他鄉客歲宣州今歲杭莫羨人歸吾後

去却能病好黍先嘗物情塗面雄黃散世味酸牙糲

米錫半百此年年又半 帝京何苦往來忙

五日雨中潘宗玉招集湖舫時予病起將歸有序

崇禎十三年五日潘宗玉招同高千秋勞維

章君家慧曉玄季泛蒲湖上于時肺客身蘓

六橋雨積感時嘆老視昔懷人處士斷妻蘇

小是逋翁少婦香山無子坡公爲白傅佳兒

千古人存不須續身之縷南閩客去甞浮角

黍之觴不可無詩以書歲月偶然得句兼志

別離云爾

樓船日遠病堪扶
千載風流人可呼
天使坡仙兒白
傳梅嶼蘇小媚
林逋雨光生白
還生黛水意在山
不
在湖勝地佳辰
兼友好離筵忍負
一觴蒲

雨中潘慧曉招集湖上琴來舫卽席贈廣陵姬
兼留別慧曉宗玉姬善三絃時作西廂曲

聞歌若處不堪憐
况在佳山艷水邊
點點雨聲歸十
指雙雙眉恨瀉
三絃楊州人打
杭州譚北曲詞將
南
山填又被琴心鈞
別意如何便放渡
江船

北歸湖上次妙香和尚送行韻

倦游金盡不知貧
尚有交情物外親
半百衰容屨簞
客一雙冷眼古今
人本無綺語教逢
世縱有慈航敢
問津玉塵慢勞當
面拂誤將霜鬢惹
京塵

又次椒湧公送行韻

入世逃禪總未諳
躊躇岐路北兼南
抽心是栢渾忘
苦絡口含漿不見
甘乞米救饑生本
拙讀書難飽老

仍貪何年五岳從君去行脚蕭然到處堪

臥病富陽江上時溪漲風雨不止

如練澄江似戰霆竹間樹杪共揚舲溪山病亦開篷
看風雨眠猶剪燭聽渴睡僕頑嫌我醒倦游伴急惱
潮青布帆一任石尤阻好在巖灘問客星

有感

東家健婦喜愁呻學得村西病後顰黃口小兒爭歎
老攢眉錢虜善言貧醞間鷄舞稱豪舉井底蛙喧論
古人天與癡頑償蔑境何因苦說舌頭辛

庚辰北歸過仙霞關

立談卿相事難猜失路荒唐酒幾杯遇主已過時數
可憂天何日抱懷開百年世上五旬後七尺泥中一
半埋猶喜出門縑未棄布衣無恙入關來

江山道中

四山石貌峰峰換五月蟬聲樹樹齊病肺未蘇兼觸
暑蒸人不醉亦如泥每逢睡後詩成句時聽田間水

過畦賴是客途消遣得何妨鷄骨暫栖栖

庚辰北歸施漁仲隱君過我相慰賦答

寒松瘦柏自蕭蕭種樹誰能識後凋將母有腰何處
折顧予無髀可容消莊生却被逍遙礙阮籍猶多塊
壘澆曾似未衰君退勇一竿雙蓀混漁樵

送崔五竺游武夷癸酉春予過山下留題曾于

大王諸峰有約也庚辰七月

名山坐臥如求友豈慕其名把臂休便道柵過非我
意扁舟宿諾又今秋絕竒丘壑人難稱潦草登臨願
易酬三十六峰峰十日送君也是一年游

昕兒花燭詩

當戶于今付與兒一雙二九亦齊眉不從世路盈門
爛稍稱家翁滿面絲報母衰年仍負米看孫燕爾准
含飴且將累事稱佳事尙有待婚小阿時

次兒名時方二歲

爲同門王毅子年母五十壽

予亦辛卯九月生

深秋有客遠登堂拜母荻階正肅霜共是卯年生此

月却同令子舉于鄉栢當回味茹曾苦椒肯耐辛釀
易香但酌朋尊稱母德不須更頌九如章

冬日病中漫興次方慕菴師卽事韻

賦賤揮金不肯酬且須藥裹寄林丘四方徵急兼無
歲海國田稀暫有秋慈母含飴寬菽水老生握粟恃
來牟憂天豈少長沙涕潦草逢人未敢流

之二再次前韻

顧影猶堪自勸酬蕭條茶竈倚糟丘落毛貂罽縫須
臚使氣鵬慵坐過秋欵段易乘甘下澤匏瓜寧繫謝
中牟未須寒歲傷遲暮堂北松高翠欲流

之三次其二韻

病頑本艸也慵看霜白寒煤杵作團詩句驚人罵座
灌文章混俗捉刀瞞一頭白戀帽中絮雙眼青餘屋
後巒醉罷沸爐酒月上試分殘茗注表蘭

之四再次前韻

梵筴非因佛事看何曾坐破幾蒲團賣文抵病醫難

効對鏡塗鬢老自瞞濠上放言蘓竹石龍門寫意米
峰巒起予千載供游戲把卷欣然臭似蘭

同陳道掌繆叔向集林守一晤巷觀迎春共賦

陽字

閩南風物易回陽較似中原獨小康羣盜多年猶破
斧 聖人何日得垂裳鞭加土塊牛如喘轡急春官
馬亦忙莫有芒神司國步當村艸莽杞憂長

其二次吳子瑞韻

馬歌臺出郭東滿城蹙與樂郊同逢場何意隨兒
戲行國無聊憶魏風白眼酒徒空塊壘成名豎子是
英雄百年食粟關吾事且看春來卜歲豐

辛巳燈市之三仍次前韻

南土何如小大東春蹄夜炮應聲同漢宮方惜中人
產海角猶餘大國風動地獅騰三子母燭天龍鬪兩
雌雄愁聞燈市流民集但祝今年處處豐

辛巳春日同陳振狂八十六叟過百齡國手曹

能證陳昌箕集鄭汝交雙橋艸堂仍次前韻
艸閣河西石逕東雙橋流水到門同高年客話嘉隆
事薄醉人還懷葛風詩謝參盟寧負固棋逢大敵偶
爭雄愁時米價當春湧浪說閩南歲暫豐

庚辰除日次陳昌箕韻

陋巷殘冬易苟安閉門省得路行難病農白首還于
耜廢將無心羨築壇先買雙柑湏漉酒且將歲飯勸
加餐明朝又是五旬外猶剩今年一夕驩

辛巳元日次陳昌箕韻

簾垂深雨繞牀行歲月相侵太不情遠道前驅欺老
衰年春夢請長纓無才涉世縫多口寧隘從人怪
獨清自哂文章奴帖括靴尖難踢蟻封城

庚辰除日之二次吳子瑞韻

少壯蹉跎只目前回頭去日杳如煙欲償徃歲湏來
歲但覺加年是減年神駿不貪隨仗立卧龍終被釣
絲牽昨非五十知猶晚贏得拋書自在眠

辛巳元日之二仍次前韻

老大隨人鎖院前開正又理舊燈煙嬰兒學步從今
始五十無聞不當年椒酒勸衰辭婦拜斑衣引笑領
雛牽到門有客昕當戶且讓家翁一覺眠

昕長
兒名

其三仍次前韻

爆竹聲聲竹屋前東風吹作一街煙見人婚宦方知
老欺我桃符易記年款段瘦堪朋友共鷓鴣敝省酒
家牽春明作計吾何以舊社過從醉便眠

其四仍次前韻

麒麟畫閣擬居前巔米圖來一抹煙將相古人誰上
壽行歲今我已中年鶴羞近玩寧堪舞馬憶長征不
耐牽自笑本無宮錦調 帝京也向酒家眠

元日招陳道掌林守一繆叔向林九疇龔印可

小集艸堂仍次前韻時隣巷二珩舊妓來居

東風搖颺小堂前淺碧簾疎曳淡煙夜未五更誰分
歲朝來一刻便爲年新筠嚴共詩腸角稗桺柔宜女

手牽尚有杖頭須甕渴琴心携上酒船眠

新正招鄧戒從陳子含葉君節林守一黃子目
林守衡小集因過隣巷訪舊二十年前曾許
嫁守一也仍次前韻

風勻輕雨媚尊前載橘盤香裹綠煙委巷衣冠聊爾
爾席門鷄黍自年年不知春甕還多少纔憶黃鸝又
掛牽見說竹林隣女在舊壚猶許阮公眠

元夕同繆叔向觀鰲山燈過我小酌仍次前韻
逐隊春街信杖前燈光混月似籠煙物華衰盛聊觀

世興味短長自問年事到逢時連紙貴人緣因熱被

絲牽燈上紙人
燃火則動老來已賤千金刻不換煨爐一醉眠

十四夜同費冲玄令君葉君節過百齡林子野

守衡集林守一華鄂堂因游燈市仍次前韻

但覺追歡不似前六街細憶舊風煙今宵第二上元
夜又是崇禎十四年墮履遺簪誰分醉游絲短髮故
相牽縱教物換朋無恙忍擲深杯抱影眠

燈市仍次前韻

番樂喧闐寶馬前
冰綃籠焰颺輕煙
侯家高燭譁今夜
貧女深缸繡一年
米貴難將燈事減
心長又被酒杯牽
感時耳熱聊行國
總是愁眠也不眠

其二又次前韻

十萬人家萬曆前
琉璃世界裹人煙
三錢斗米非今日
一刻千金憶少年
曳足輿須門士舉
劓肩衣遣小僮牽
不知此際村庄樂
可有催租吏夜眠

辛巳家母壽日諸賓朋集紉授堂陳昌箕賦詩
爲壽異撰再拜賡韻爲四座侑酒也

白首書生母在堂
蓬麻慚愧擇隣芳
胚胎本自麕三

樂異撰未生而孤五十何曾見一長
賤假天旌寬捧檄頑

教兒贖願成章萊
階且共賓朋舞星
聚光添寶婺祥

三月三日觀合沙社迎神予生於斯者也

春街竹馬似前身
未損童心過五旬
百室鳩來哺上巳
十家費足產中人
時艱民事全憑社
米貴鄉風苦

諱貧爲語輪蹄輕蹶過繁花三月易成塵

挽泰寧陳洪仲明經

芝山秋室罷連床
逝水魂游谿路長
千古一雙巖下
電百年過半艸頭霜
龍雖移壑霧猶早
鶴正開籠翅
便傷才鬼九原應
不少知君嬾與說文章

挽章有四令君有四宦
吾地四載予未入其室
也痛之獨深矣

蒲縣花如易謝何爲霖
龍蛻委山阿
乃能游冰歲鋒
一崩不濡身借潤
多似有榻懸君未下
豈無鏡具我
堪磨旁人未省牙
琴痛聽作哀絃
礎露歌

柯益甫寄名山室茶賦荅

定交巖茗氣相似
其次醇醪醉友生
百里寄來過穀
雨一了認得是清明
甜非蒙頂遲回味
香比松蘿不
近名莫恠乍嘗多
苦澁減些苦澁便平平

病中柬黃漢白次林自芳先輩韻

呻吟一榻亦陶然
懶坐蒲團罷艸玄
但把既衰多病

後譬如未有此身先英雄辟穀終須死宰相白衣不
礙仙已分吾生勻苦樂藥爐閒便對歌筵

辛巳九日病起

秋室霜凌石骨竒負暄傍石藥爐隨中原何地餘藜
菊天下惟王省子遺百感忍甘千日酒一隅偷詠
小康詩悠然采采非吾意開徑懷哉欲望誰

沈若水寄我近刻時義次韻答之

塗炭衣冠且與偕未湏才才待吾儕誤人入股添蛇
足老我千蹊破鐵鞋餓瘦楚腰何處舞噉餘蔗尾幾
時佳百城萬卷吾俱懶墜戶蕭然繡佛齋

辛巳初度日同盛孝來林守一集陳道掌白齋

分得燈字

老尋歡喜得朋衰年不稱菊觴稱勲名思越中天
日遲暮如燒入夜燈跛將束胸難距躍睡鵬戀臂嬾
飛騰回頭慚愧能罷髮短尊前一半僧

爲謝左泉鄉賓壽

樵伴漁羣席不爭，嬾分閒夢主鷗盟。
挂瓢君已輕三事，執醬人方祝五更。
戀網鳳麟原易老，避鑽螭蔡自長生。
大年應爾何須願，但願年年話太平。

初冬雨中過蔡子威夜話時子威請告歸

別深相視白鬚長，經世何妨病後商。
門館不須寒雨洗，行藏忍付北風涼。
上頭君已辭千騎，牛口吾方換五羊。
自笑百年餘強半，翦燈猶問嫁衣裳。

林守一花燭詩

輕寒輕煖稱佳辰，十月天桃媚小春。
裝換木蘭雛將種，新人千戶灸遺金馬老文人。
仙郎簫斷重騎鳳，公

子家傳慣產麟，未省今宵投轄否。
賓朋齊勗醉陳遵。

冬日病起

三冬強半病來頻，淨掃閒房謝雜賓。
卿法何如用我法，古人豈必勝今人。
曾聞作字蒼髯鬼，又道焚書客負秦。
插架置來開卷未，省他夜哭世儒嗔。

王伯容過談感賦時予方料理小齋

二十年餘士枕戈艱危將相幾時和中原不使人懷
土天塹還愁豕涉波極北漕儲河濟渴江南桑穀水
蝗多朋來握粟相看卜安樂寧甘付邵窩

劉爾龍先生相過賦答兼送先生入蜀

把臂談深失病魔一人知己便爲多草廬豈有神龍
卧窮巷何勞駟馬過牛下夜長終易旦囊中錐鈍不
思磨濟川楫在從波湧相送臨流且放歌

劉爾龍先生招同王伯咨集豹隱山房夜話感

賦再送先生入蜀同次前韻

苦吟豈必爲詩魔對酒關心時事多誤我文章英氣
短隨人呼拜壯年過錯甘爲鐵辭茅點杵未成針費
石磨蜀道不難非恨別祇因一顧自悲歌

臘夜孫子長劉爾龍先生王伯咨年友小集紡
授堂同次前韻兼爲爾龍送行時余方築小

圃

名場論學道爲魔海內交游不易多小圃畦新纔自

摘席門歲晏少相過同心未患斯文喪渴肺因敲險
韻磨濁醞清醕沾屢換談深且慢唱驪歌

卽席再次前韻

顛生惟友可降魔萬里留行話自多長者車填寒屋
滿梅花梢比小簷過衰年蓬蓽追閒夢下策名山俟
不磨燒燭杯深商出處感時相視一長歌

卽席再次前韻

尊前蒿目動愁魔不唱陽關淚也多粗糲飽堪先輩
共小齋落俟故人過熱心吞炭終難啞短髮如金去
耐磨看劍杯殘纒崩斷生平彈鋏未曾歌

卽席再送劉爾龍先生入蜀建節西南諸蕃部

翦燭西窓盡一杯門前千騎慢相催 聖人敷教華
夷外異域推君將相才瀘水不毛諸葛渡吐蕃遁跡
令公來雪中天半峨眉道萬里春行好寄梅

殘歲過劉爾龍先生王伯谷年友邸中夜話同

次前韻 伯谷爾龍門士也

惜別相看忍放杯臘殘兼憶歲華催門中君有纓冠
侶圯上吾非取屨才三寸燭深天下話一時事集酒
邊來談長小摘煨爐煮客自調羹主和梅

再次前韻柬爾龍先生伯咨年友時爾龍將入

蜀伯咨將歸晉江

尚有前宵未盡杯征帆歸馬且停催病深友比三年
艾吟苦詩輕七步才小飲也勝吾獨酌儉庖不畏客
頻來莫言歲晚芳華歇纔放墻東一角梅

臘夜招材守一王伯咨小集紉授堂寒話兼送

伯咨南歸同次前韻

擬拚永夕付長杯話久偏驚漏易催經世耻言天有
命救時可謂國無才歲年風利舟難泊勲業渠成水
未來聚散一尊搔首罷共將深語問寒梅

清漳周今尹挈家榕城客游失路讀書賣卜殊

非其好詩以廣之

射覆東方主未逢饑來何用足三冬卜售握粟非爲

市賦抵千金亦賣傭一硯深耕寬百畝全家代食恰
中農君平罷肆簾垂後未必輸他祿萬鍾

殘臘過神光寺示雪航諸衲

老生處處放顛狂佛國來銷歲晏忙千古揚眉三不
朽百年回首一無常却寒賀折償才恠鶴瘦龜餓抵
命長鵬鷄爭枝誰是長茫茫何事較彭殤

雪夜病中清漳王穀子書來問予歲事附寄橘
餅兼徵同籍社刻遂訂公車之行

席門寒雨凍殘膏不是袁安卧也高千里遐心傳好
景一年生事問綈袍利鵬雪後將辭臂老虎山中久
落毛豈敢便忘川共濟病身尚可冒風濤

贈林際周地仙時方移居近巷

塚中吹得死灰然何異將人掖上天我不向君求富
貴但知行地有神仙圮橋屨墜誰能取博浪椎雄未
可傳縱是一篇今肯授相過吾且枕書眠

辛巳除日述懷呈吳諤齋師

歲晚行藏問鬢邊蕭條國士遇徒然將無笑罵今難
免豈有文章後必傳中的只須平水箭揚帆慣使關
風船年年作事年年悔又恐年年悔過年

除日之二

臘殘蔬長草堂前自摘霜芽供古仙禁酒祇償藥裹
債賣文難剩杖頭錢雖忙猶有詩成卷未健也強病
過年爆竹不須催歲事鼻觀人在小梅邊

之三

殘年未肯晴蕭然枯坐更愁生低棊但見過枰
易落子曾無一着贏末路熊羆頑磨轉三分魚水小
渠成不知遇主吾何似伸縮從他信步行

之四次陳昌箕韻

雪後深深雨養寒臘殘猶喜病粗安恬鱗傲睨三層
浪倦步躊躇百尺竿遠志不須輕小草上農也好代
卑官抱關未分身將隱坐憶君親出處難

壬午元日

時江南連年饑予年五十有二

開春詩思繭中蠶作句驚人老不耽報母百年行過
半致君何日立兼三閭閭愁歎無豐歉天地蕭條
自北南苦口未曾思蔗噉却因國步憶回甘

之二次陳昌箕韻

乍聞山鳥賣春聲可似長門賦馬卿詩酒未能忘舊
社文章無意主新盟失鳴終許晨雞補捷足爭誇磨
蟻行雲起水窮隨路去何曾斷處不逢生

開正二日李古夫王有巢陳昌箕林守一守衡

陳孔臧許有个劉黃脩集紡授堂觀梅時小

圍成次昌箕韻

過臘花如碩果存開遲留作衆芳尊更新熟面人添
歲暴富貧家菜有園對酒偶然歌魏武買絲不分繡
平原一罇年事迎兼送未許春風便上門

是年七日
立春

其二

但憶年年世事更何殊觴政暫輪贏時危未覺三公
貴園小猶勝一鋪輕携酒却如賓作主

時有个
餉酒 燕毛

似合我爲兄開正獨榻懸初下那得相過不盡情

開正三日過曹能始先生共話有感

老至方知學未成竹間問字半陰晴典刑誰敢輕前
輩齒髮吾難稱後生事事坐看隨世變年年空說待
時行五旬添二又三日慣着輸棋懶計枰

同費冲玄令君陳道掌林守一守衡集葉文忠

公東第觀迎春卽席感事時葉子翼許以梅

樹餉我

補天何處覓皇媧對酒無心戀物華寸草未償孤子
意春風先到世臣家顧厨聲氣矜臍麝李杜文章畫
足蛇獨有瘦寒詩不賤吟成猶可換梅花

其二

縱酒安能豁抱懷兵荒北地池江淮迎來東第新芻
狗認得春郊舊館娃逮我少時風景異比於他處物
華佳履端似合明朝始爆竹聲聲又滿街

人日同陳叔度陳道掌王有巢林守一林子野

林孔碩集曹能始先生宅是日立春晴

尊前尺二腐頭巾草莽憂天適五旬春事民窮惟罪
歲佳辰吾老諱稱人逢時土塊牛成毀得氣空花勝
舊新却喜四方雲物霽豐占不止在南園

新正十二日鄧戒從聚卿王武子陳孔臧巖志

吉黃子臯林子野劉黃脩集林用始宅上

六日春光杯面浮是年初七日立春風簾漾碧草如曲呼盧

飲戶爭牛耳橫槩文人擅虎頭用始曾以諸鸞不戀生會試樞部

杪無意嚀鹿方食野盡情吻千金一刻明宵

事新月娟娟已上樓

十三夜同陳衛公游燈市

入春數日乍陰晴此夜纔堪入市行屈指少時過半
百回頭萬曆至崇禎閭閻但見民生蹙風俗難將節
序輕慢道一隅燈事減中原何處有燈明

元宵十五夜林用始道雨陳德成克亨雨中小

集紡授堂道雨德成克亨所兒窓兄也是日

予澆酒

開正多與酒杯親又過今年半月春新釀巖如生面
客深燈燃比熱心人愁時閉戶歌銷憤恃老通家禮
率真爛醉不知元夕好從他雨泥馬蹄塵

挽陳伯熙

黃泉塵世任西東竟氣飄飄作客同烈火不論叢裏
桂大風故隕雁中鴻諸第皆伯熙挈領芳華未謝餘生槁心
血難枯到死紅伯熙吧地下試將才鬼問古來曾有

幾人通

送陳道掌遊東粵訪王晦季歸善令

山梨村杏漸春深馬首花迎半綠陰天下久縣徐孺
榻橐中肯受尉佗金枕榔菴古文人寓柳酒瓢香粵
女斟縱是臨邛能引重他鄉君好愛琴心

追挽許玉史學憲

浙江歸櫬已逾期草宿吾方作挽詩異姓鵲鴿懷死
喪中原麟鳳係安危平生言在無私慟天下才難為

世悲猶喜門留將相種十年倏屢尚堪安

春日為同門年友繆叔向節母六十壽

竹栢經春尚憶霜耐甘橄欖勝於漿蔗竿從尾噉將

半花甲方苞莖在房但願百回過復始長如今日壽

而臧同年兄弟年同茂拜母年年共上堂

壬午家慈壽日諸賓朋小集紉授堂賦呈

海棠花共絳桃明反哺烏迎出谷鶯負米長孫堪代

父含飴小弟欲兼兄祇應手紡經還授當我童年學

未成卿相立談非母意此生何以謝艱貞

其二

千年桃實始華辰雪後天回小半春匹婦也能通

五位孤嫠或謂比三仁

吳諤齋師為母傳云然

栢為酒熟心猶

苦薑有芽生性亦辛膝下一經身未致荻堦還說古

貞臣

其三

析薪父去課兒樵樵路偏多獨木橋割絹母容寬我

老牽衣孫便信他驕茹非茶苦舌嫌淡栽得桐孤尾
耐焦慢道階庭春事未纔過十日是花朝

母二月初七日誕辰

書懷寄劉湛陸座師

大厦方須衆木支白頭之武欲何爲或於此不堪承
履便處囊中不當錐識路蹄衰徒視日報恩身在已
過時牢騷一掬親師淚顧影燈前獨自垂

病起答薛汝儀仍次前韻

雙頰閒將塵柄支倦農何事怨天爲言詩壇小環三
戶食硯田寬立一錐善病費醫欺藥力枯禪耐坐賤
花時名山俟久人誰見羸得蕭疎短髮垂

書懷寄方慕菴座師

君父頻年見虜遺老生坐視世安危支公縱後鶴猶
蹇造父鞭加馬已衰尙有病中身未死敢云天下事
難爲傴僂自起聞雞舞欲報親師不恨遲

挽余玄同先生

希之廢之尊人

爲官爲士五男兒白首簞瓢向古稀天下憂違龜曳

尾人間閒夢虎留皮傳家籬有不貪寶歎世夢無漫

興詩

公有集多
憂時之味

涕隕望門空想像老兵難當典刑垂

病中夜坐

養生稽總愧孫登趺坐無聊學定僧文字業多痰似
墨牢騷氣上肺如甌藥錢豈爲貧能減詩卷偏當癘
後增鼠橫婢頑缸又渴夜長頻喚別殘燈

放言効白題空相院

遽然觀我曉鐘空依舊紅塵日上東到口隨他惹韭
薤回頭朽盡德言功有時自冷鼻端火何故又生耳
後風快馬揚鞭燈市開撥忙試認主人翁

初夏新晴病起同周疇五鄧戒從董隆吉林繕

之郭仲倩集孫子長先生光祿吟臺

先生屋
後山也

不覺離群過一春枇杷堪摘亦佳辰衰年難忍談豪
縱長者能容我率真積雨天如善病客乍晴月似暫
輕身相看共有彈冠意未許吟臺屬老臣

送張時乘遊膠東海上

閱盡交遊兩弟兄出門萬里若爲情英雄氣短田橫
島草莽心長樂毅城東海有漁雷罷釣宮中卜獵幾
時行莫須君與熊俱奮天下于今已漸清

五月二日雨中同孫子長曹能始先生徐興公

陳克雨周祥侯陳昌箕集鄭汝交雙橋草閣

觀競渡遲胡茂生女史不至次能始先生韻

河干簫鼓破蕭條客座籃輿亦趁潮深雨一樓將五
日美人無信寄雙橋衣輕杯緩還思褐鬪倦舟回不
羨標懷古慢追澤畔怨揭竿兵起已全消

其二次鄭汝交韻

杯底霜鬚又幾條碧筒痛飲酒如潮蛟方得雨騰爲
浪龍比登門鬪上橋國手不爭時落子好音引和試
吹簫誰能以此同舟意共濟風波立本朝

壬午五日之一

三年求艾事荒蕪采采園中戶貼符減飯米分爲角
黍停醫藥換酌菖蒲濟川舟楫何須競抱石騷冤不

願蘇爛醉懶將絲續命長生從古幾人乎

其二

老大其如節序何愁時畏聽采蓮歌招魂恨事訛崇
飲因鬼鄉風准大儼倉米價平猶二鹵官錢徵暴倍
重科艱難且當酺貧戶五日舟人醉飽多

五日林守衡招同葉子翼君家守一集晤菴觀
競渡時苦雨驟寒予未登樓

風雨漫天湧作濤披裘五月坐江臯蛟龍鬪引鼉蛙
怒旗鼓閒爭里社豪且學兒童簪艾虎讓他名士讀
離騷一尊醉醒甘同俗畏上危樓百尺高

恭讀壬午肆赦 詔書紀事

新絲新穀賣輸公十室何曾但九空米貴不論豐儉
歲人災日長覲巫風江南水旱連淮左極北干戈抵
粵東猶喜 至尊能罪已一時寬政萬方同

小園書事

瓠棚引蔓抵山林挾筴墻東就綠陰僕懶三餐惟捧

腹蔬長一寸未抽心小人爲圃原初學大畧看書不
當淫莫道老生無韻事幼桐也種待張琴

夏至日招蔡子威周尊可張道羽周亮如小集
紡授堂時子威請告歸亮如自同安來將往
南都省試兼以近業相示卽席送行

數聲委巷送梅鷺暫假琴軒半日晴友旣乞歸吾未
宦主方敘濶客將行廟廊却爲儒生誤帖括何須仔
細評分手一尊增感慨英雄多少起陪京

亮如以谿漲不得行再送之

時尋赦詔下

奉天明詔下朝廷多難寬租亦簡刑 聖祖有靈睠
舊內時賢無淚灑新亭論文我續憎蠅賦取士誰知
相鶴經可是神螭移壑去一谿霉漲等滄溟

夏日同徐興公吳門陸視俯周祥侯吳興錢雲
卿天台胡茂生女史集鄭汝交補山視俯度
曲祥侯吹簫和之時視俯已買舟歸予偶赴
汝交之招非宿訂也卽席爲視俯送行

雨餘衆木氣清勻入座重陰勝飲醇雅集也須不速
客新知便是欲行人吳門相國吹簫慣江左英雄顧
曲頻縱使丈夫無淚灑可堪惜別怨蛾顰

方審編雜賦追呼紛然間有明詔肆赦者官

不赦也

受剗無肉鶴梳翎生齒繁如棲樹萍人滿不妨夫瀟
布政寬正爲國添丁莫嫌吾土官多墨猶勝他鄉蠲
少青且了追徵休問赦何曾徵爲赦書停

過神光寺午齋觀諸衲禮水懺

老生懺悔說凌煙慚愧山僧共問年但使不衫兼不
屨未能成佛也成仙門槌拍板閒隨喜白飯香蔬飽
放顛安得野狐堪豎拂呼來遊戲與參禪

其二

佛說袁盎後身鼃錯化爲人面瘡報之故
作水懺解冤

生瘡自斃說冤親家令袁絲本一身綺語驅蠅長尾
拂空拳搏虎大頭巾英雄善飯難遮老塵土炊羹錯
認真也曉高僧堪問渡虛舟原不羨知津

其三

閒身乞食叩山門短髮如針未分髡衲子西江容易
吸書生雲夢也能吞從來只有一居士天下原無兩
世尊我試佛前稱揖客且銷伏日到黃昏

其四

衰年孰與駐華顛試結山僧蔬茗緣除却維摩誰善
病惜乎老子不譚禪未甘自了須留髮無可奈何始
學仙婚嫁向平真小事那能便捨祖生鞭

吳興錢雲卿偶過紉授堂小飲因憶潘昭度先

師兼訊吾友潘宗玉韓茂貽君家悟卿時吳

浙大饑

吾友多在茗水濱定交安得謂知新莫輕潦草數杯
酒且拭英雄滿面塵嚼齒共談天下事回頭難起丸
原人江東米價還須問陋巷寧甘越視秦

憶亡友袁亦人

亦人無子初婚一月徑來三山
不歸死於寓齋

當門蘭種不留叢一月鸞雙鏡遂空易死死兼非死

所有生生與未生同卽教命短未償癖若論才奇倍
值窮欲覓伊人何處是青蒿尺許小堆中

送錢雲卿還浙應試

暑深轉眼大風涼鵬鷲毛豐飛去忙天下豈能將手
援陸中也要趨槐黃一人知己郵亭話萬樹荔枝馬
首香未免有情誰遣此且留小立却無妨

閩曹公鉉令君誕日時方審編詩以紀之非從
衆爲壽也

野夫從未識稱觥但喜于今賦役平官府何曾生一
事國家原自足三征能於惟正蠲無藝若肯求多盡
有名宰相十年真不換其如沙築趣人行

同年張子弢移居光祿坊予居後巷同里社也

卜居我愛巷無囂不及前坊門第高天下宰來新割

肉社中人是舊同袍橫經學貫周三傳

子弢治春秋

取履

家傳漢六韜疑義肯爲余細析老生未敢負粗豪

病起漫興

多病身如鳥在籠垂頭養翅欲橫空未成經世猶防
死若更嗟卑豈但窮貧有化僧譽平聲既富賤惟日者
許將通莫言五十封侯晚也勝皤然載渭熊

其二仍次前韻

維摩陽羨共鶩籠箇是文殊室未空好句開門山自
見殘書掩卷水將窮揣摩何苦錐三寸漫滅原無刺
一通稿項低垂猶強在却慚兒女解當熊

其三仍次前韻

落馬金殘艸索籠虺墮誰信冀羣空本無詩酒銷歸
病豈有才名儘得窮墜子挪揄狂阮籍門生翊戴篡
玉通讀書吾老成何事七十高堂尚和熊

其四仍次前韻

一掌書齋兩樹籠當南少許綠窗空懶憑仙釋支吾
病尚有譏彈點綴窮容艸自生隨徑窄與蛙同樂放
渠通從來肯食無魚飯豈爲難兼欲取熊

張伯羹過我譚

不須太息事訛淆帖括勳名總卜筭文體變來如左
衽霸壇誰起問包茅讀書眼老方無障求友聲勤更
寡交除是素心欣賞共蓬門未許一人敲

新秋夜坐知己歷歷意中憶吾林若梁先師也

壬午七月四日

九原何日瞑雙瞳國士于今鬢已蓬二十五年其著
共一升合米有無通終身只說徒猶子到死尚云道
未窮寂寞門中誰將相淒淒艸宿又西風

聞亡友清流曾玉立之訃玉立未死嘗有書切

責我也我負玉立我終不敢負玉立嗚呼哀

哉哀哉

據鞍意氣尚橫稍懷抱蕭條水上泡握手久要車笠
共蓋棺大罵死生交少年錯料圖王霸白首相看尚
艸茅麟閣何時吾回得平生言在未會拋

壬午七夕張雲將陳昌箕偶過紡授堂小飲時

雲將來省試同用十二侵

疎竹新栽亦有陰
偶然小集省招尋
神仙無巧回蒼鬢
窮鬼多情伴苦吟
媒口鵲勞停夜半
將拳鷹鷲待秋深
莫嫌瓜果貧庖儉
薄酒賒來却耐斟

雲將昌箕頗有酒意
鄒瑞麟以七夕詩來招之

不至再次其韻

五日後方立秋

不死情多總白頭
問天何處可埋憂
誰云仙去長生樂
輸與人間此夜愁
小飲偏能摧大戶
未秋先喪上高樓
乾坤欲挽銀河洗
戰血中邊滿地流

七月九日同李得晉許天玉郭仲情集林用始

南園卽席贈春卿美人

一泓清壑艸堂前
留待月來罷種蓮
七夕成歡纔兩日
雙星悵望又明年
何如小扇聲聲曲
莫放深杯夜夜筵
慢道神仙學不得
人間原不羨生天

其二

山間月隱已三更
高燭燒深分外明
餘子清狂終瑣瑣
伊人邂逅便卿卿
英雄髮短心難死
兒女情多目

易成檀板休敲哀怨曲當杯吾畏聽商聲

郁爾揆過譚走筆爲贈

中原多難憶長城失路人逢老病生每與君言何礪
礪豈無他士但平平救時誰可方前代過曆還須遜
我明莫有英雄猶袖手急棋今好出收枰

題鐵佛殿

烈火坑中湧白蓮屠刀銷現雪山禪早知頑鐵能成
佛錯點黃金僅得仙浪說脫胎良冶手赫灑儀樣熾
爐邊伊誰立地凡身換丈六如來在目前

秋興

西風故向鬢邊吹隱凡眠醒有所思遇主以文猶卜
祝違時無術讓巫醫乾坤誰起七年病帖括寧關八
代衰梁甫不吟慵抱膝清秋閒看燕差池

哭董叔允

海天大鳥懶飛鳴管領多才四弟兄墜地抵應樂到
死蓋棺永矢醉無生飲醇御女嘲孤憤獨醒吟騷笑

不情瞑去似君真快事一禪汗虱覷公卿

陳皇生餉我楓亭荔枝二十枚東謝兼答其索

書來信

金莖渴想已秋過豈有楓亭一騎馱細蓀荷來三百
里美人詒我十雙多五言絕句香酬字小扇長箋翻
換鴛忽憶千年妃子笑情癡吾老奈情何

莆陳皇生周懋皇招同張雲將李元仲蔡伯引

西湖秋泛主客相枕藉醉矣湖心為水晶宮

後道

千年複道艸茫茫四望蒹葭色未蒼只有天容吾睥
睨更無人在水中央安知竹帛非兒戲誰使英雄老
醉鄉筵席古今無不散書生苦憶昔閩王

陳道掌張雲將李元仲張道羽壬午省試前此

皆七戰矣詩以壯之時天下賢書皆廣額

傳築寧其負 帝心宮中夢渴廣搜尋二匡昔日曾
三北七縱今朝決一擒豐沛終驅秦氏鹿丘陵羞獲

雙奚禽登壇莫道幽燕老較我霜華鬢未深

秋夜

露下霜微擁薄衾披帷明月故相尋麒麟閣上少年
夢蟋蟀聲中末夜心經世自揮消髀淚交情偶憶白
頭吟聞雞不覺成三嘆遂使神州半陸沉

林正白刻印見詒賦贈

直爭蒼頡鳥書奇不數先秦篆李斯似我但能鑽故
紙如君纔許弄毛錐磨唯須紀燕然石回指應鑄大

禹碑何事牛刀將細割雕蟲點綴瘦寒詩

古愚和尚自建溪來訪賦贈

剃髮人貪頭責輕脊梁獨豎頂天行澄潭有月空嫌
滓漲海無齒大不成上座野狐提傀儡處禪汗蠶笑

卿煌煌怪爾雙巖電何故來看老病生

壬午秋試後同陳道掌李元仲楊玉辰陳皇生

崔五竺黎人能集林守一昭菴觀闡牘次徐

燕嘉扇頭韻

名場吾老任浮沉帖括慵將論遠心三酌易醺杯忌
卵一壺能渡涉無深指麾犢快欺神駿屬和人多是
好音豪氣不須矜百尺有時寸木壓樓岑

次其二韻

文章豈必古爲徒且啜糟醅與世俱斤斧閉門雙軌
合酸鹹可口五方殊屑沾聚處觀場闕山水窮時信
杖孤紙上誰能搔着癢鏗然十爪憶麻姑

次朱東海言詩來韻答之

彼婦粧成便鬪姿彼哉賦就便稱詩唐音選體今三
窟歷下荊州各一時白傅不恭渾俗惠寒郊傷隘聖
清夷聽來滿耳秋蟲唧慚愧從前錯問奇

壬午九月初度施漁仲自福唐至脫粟飯談竟

日兼訂明朝小集

時漁仲初失一眼

怪得勞人雪滿顛別深見爾亦皤然却因知我憶生
我共說今年老去年白眼難青猶剩隻黃花肯好不
爭先相過尙有明朝約粗糲何曾費酒錢

壬午初冬爲林羽伯乃堂壽羽伯少予二歲亦五十矣

小春春酒壓霜清十月桃花屋角明拜母共餐粗糲飯與君同是老書生觴行上壽先猶子齒長無多敢比兄鼎養又須三載後硯田未涸且深耕

張時乘客死姑蘇詩以哭之時乘族人嘗懸數千金之產時乘貧至骨於理亦可以爭而有時乘目不瞬也雖君在閨門我亦謂傷於谿刻然時乘之清可風矣時乘家人則但嘗時乘之刻而諱言其清也嗚呼哀哉

壬午初冬

姑蘇城外哭昏鴉繫柳舟爲載鬼車送爾出門猶大罵似君死所樂無家西山性隘何曾薄和靖人清却甚華埋骨好尋寒瘦島四圍吾欲種梅花

爲吾社福唐施漁仲隱君五十壽

一笠軒軒老布衣福廬峯掛壽星
緇衣年不羨周公
夢半世原無伯玉非芝曄商山終小草鷹揚東海總

早飛風塵似爾回頭早慚愧吾生未息機

送吳諤齋師入覲

近來帝簡盡清流遠夢猶思傳作舟一天子萬年
齊搢笏聖人四目自垂旒朕咨爾牧方多難臣
日勞民可小休尙得袞衣南顧否海邦桑土賴先憂

卷一